

Mbanjbizsanh:

Ranzva Ciuhcingh Hwngzyen Dauq Yienh Yiengh Gyaeundei

笔山村：横县清代花屋重绽芳容

□Cau Hungz ingj

Daj dieg gya yawj "Ranzva Bizsanh".

Mbanjbizsanh miz gij swyenz yenzgiu vwnzva lizsij gig lai, daengx aen mbanj lij louzce miz gij ranz gaeuqgeq miz gij funghgwz caepranz Ciuhcingh, ndawde gij ranz gaeuqgeq aeu "ranzva" guh daiqbiuj, daiq miz gij yisuz caepranz daegbied Cungguck raeuz haenx ceiq hawj vunz gyaew yawj, dwg benq ranz gaeuqgeq Ciuhcingh gig miz yisuzsing youh haemq gvangq ndeu. "Ranzva Bizsanh" 2012 nienz 9 nyied ndaej Hwngzyen Yinzminz Cwngfuj dingh guh Hwngzyen vwnzvuz baujhoh danhvei.

"Ranzva", mbouj dwg aen ranz ndeu, cix dwg benq ranz miz 72 fungh rug, ndaw gyanghongh miz hongh, ndaw rug miz rug, doxdaep doxlien; mbouj dwg aen ranzgauq dauqcauw ndaem gova go' nywj deihaenx he, cix dwg benq ranz gwnz liengz deu lungzfungh gwnz ciengz gaek va-nywj, ginggvaq gyawj 260 bi fwn duh ndit cik vanzlij saek yienh yiengh moq, hawj vunz yawj ok le gij yiengh gaeuqgeq cwkomz baenz geij bak bi ndeu.

Byaij haeuj Mbanjbizsanh, couh yawjraen gij ranz gaeuqgeq doxdaeb baenz caengz dem caengz daengj youq ndaw bya heu raemx saw. Aen mbanj neix gaenq miz 500 lai bi lizsij, miz benq ranzgauq "ranzva" ndeu, miz ranz coengceiz Gvanghsiu, laeuzyienzcanz doenghgij ranzcaepranz Ciuhcingh, Minzgoz hwnjguh haenx 20 lai aen, gij ranzgauq neix cungj dwg riengz diuz roen Ciuhmingz Ciuhcingh buguh haenx ing bya hwnjguh. Ndaw mbanj lij louzce miz aen ranzgauq Lij Gauhou boux gingjvei yingzcanj Bwz Cungzhij haenx, aen ranzgauq boux gyaudoeng gizcanj Baksack Conhgi seiz Minzgoz dem. Swnh diuz roen iq aeu benjrin buguh haenx, byaij daengz benq "ranzva" aeu gij dinfwngz ndeirauh deu lungzfungh gaek va' nywj cix ndaej aen coh neix haenx, dingq gangj benq ranz neix dwg youq Ciuhcingh Genzlungz dingcouj nienzgan (1757-1778 nienz), cawjranz yungh baenz 22 bi seizgan hwnjguh, dieg gvangq 4000 lai bingzfuengmaex, dwg cungj ranz

"ganranz" Bouxcuengh caeuq "ranzgvaengh" Maxgai gyoebcomz hwnjguh ndeu. "Ranzva" baihdaw baihrog miz roqluengq faengek hopngomx, sojmiz doucueng cungj deugaek miz gak cungj dozveh gyaqciq ndeiyawj, faqciengz baiqrog veh miz doenghduz gitleih caeuq gova gofaex go' nywj, goengqbya diuzdah aendaemz, doenghnaz doenghreih benqfaex doenghgij huqdeu saek-mong neix, faqciengz baihdaw lij veh miz vehciengz lai saek ndeiyawj dem. "Ranzva" funghgwz caepranz ngaeugaenj caezcingj, gyanghongh miz hongh, ndaw ranz miz rug, engq minzyinx haenx dwg, moix aen ranz cungj dwg aen dog gag daengj, ranz caeuq ranz mbouj gauxca youh doxlien ndaetndi. Byaij haeuj ndaw ranz, begdourin lij maenhdtw dwk hensouj douhung, raeblaeng faqdou nanwt naekcaemq haenx, roqluengq doeng bae seiq fueng bet baih swnciepr hunghung iqi geijcib aen gyanghongh, moix aen gyanghongh ndawde, song mbiengj ndaw dinghung

faenbied dwg rugninz, mbanj aenrug lij caep miz mbaeklaerin, swnciepr gij ranzbam iq ndaw rug, ndaw ranzbam miz laefaex hopheux hwnjbae, aenvih bi' ndwen nanz lai engq yienj ndaej gaeuqgeq.

Ciuq cam rox, youq mbanj guhyiengh ranzyouq fungsug ndaw-biengz hwnjguh ndawde, Hwngzyen aeu coihcingj benq "ranzva Bizsanh" guh cungdenj, aeu coihcingj gyamaenh, siucawz deng caifeiz doenghgij banhfap neix daeuj baujhoh gij ranzgauq haenx. Doengzseiz dawz cunhminz hwngfat caeuq ranzyouq daegsaek baujhoh, vwnzva fungsug ndawbiengz swncienz, swnghdai baujhoh doenghgij neix ndeindiq dwk giethab hwnj-daeuj, yinx youqndwi lijyouz doxgven canjyez haeuj mbanj, guh ndei gihcu j sezsih caeuq gunghung sezsih ndaw mbanj, dawz Mbanjbizsanh cauxlaeb baenz aen mbanj vwnzva lizsij daegsaek yienhda, heiqsik lajmbanj noengznwd, funghgvangh doenghnaz gyaeundei ndeu.



▲ "Ranzva" daengj maenhdtw.



▲ "Ranzva" gaeuqgeq yinx hekyouz ngoenz beij ngoenz lai.



▲ Vunzmbanj youq bakdou "ranzva" guh' angq.



▲ Luengqhongh iet baenaj.

▲ Byaij gvaq luengqhongh youh daengz aen ranz wnq.



▲ Yiengh ranz gaeuqgeq lwnhgangj lizsij gyaenanz.



▲ Gwnz ciengz, gvaengz-cueng gaek doz deu veh.